



Broj: 02-04-3-3534-1/23
Goražde, 26.10.2023.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22) u postupku javne nabavke – otvoreni postupak za nabavku radova na sanaciji, asfaltiranju i popravci lokalnih putnih pravaca na teritoriji Grada Goražde, Gradonačelnik Grada Goražda donosi:

O D L U K U

o prihvatanju ponude ponuđača „Goraždeputevi” d.o.o. Goražde za izvođenje radova na sanaciji putnog pravca Hubjeri i rješenje oborinskih voda u ul. Agana Imamovića (lot 1)

I

Ovom Odlukom se nakon provedene tenderske procedure za izvođenje radova na sanaciji putnog pravca Hubjeri i rješenje oborinskih voda u ul. Agana Imamovića u Goraždu, prihvata ponuda ponuđača „Goraždeputevi” d.o.o. Goražde sa cijenom ponude 113.934,38 KM bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u postupku javne nabavke.

III

Nakon pravosnažnosti ove Odluke po isteku roka od 15 dana od datuma Obavještenja ponuđača, Grad Goražde će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45., dokaz o ispunjavanju uslova iz člana 47. Zakona o javnim nabavkama (original), kao i original ili ovjerenu fotokopiju važeće licence o pravu obavljanja predmetnih radova. Ukoliko ne postupi u skladu sa ovom obavezom ugovorni organ će ponuditi zaključenje ugovora drugoplasiranom ponuđaču.

O b r a z l o ž e n j e

Gradonačelnik Grada Goražda je dana 21.09.2023. godine donio Posebnu odluku o pokretanju postupka javne nabavke radova na sanaciji, asfaltiranju i popravci lokalnih putnih pravaca na području Grada Goražde broj 02-04-3-1370-14/23 putem otvorenog postpka. Javna nabavka je podjeljena na lot-ove:

Lot 1- Ustupanje radova na sanaciji putnog pravca Hubjeri i rješenje oborinskih voda u ul. Agana Imamovića u Goraždu,

Lot 2 – Ustupanje radova na sanaciji i asfaltiranju puta u ul. Meha Hubjera u Goraždu,

Lot 3 – Ustupanje radova na popravci puta prema selu Faočići u Goraždu.

Na osnovu navedene odluke objavljeno je Obavještenje o javnoj nabavci na portalu javnih nabavki dana 27.09.2023. godine, dok je sažetak obavještenja objavljen u „Službenom glasniku BIH” broj 67/23.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 18.10.2023. godine.

Komisija za provođenje procedure javne nabavke imenovana posebnim Rješenjem Gradonačelnika Grada Goražda broj 02-04-3-3534/23 od 26.09.2023. godine dostavila je izvještaj o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za izvođenje radova na sanaciji, asfaltiranju i popravci lokalnih putnih pravaca na području Grada Goražde za lot 1 - Ustupanje radova na sanaciji putnog pravca Hubjeri i rješenje oborinskih voda u ul. Agana Imamovića u Goraždu ponudu dostavio ponuđač „Goraždeputevi“ d.o.o. Goražde,
- da ponuda ponuđača „Goraždeputevi“ d.o.o. Goražde ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske situacije kao i tehničke i profesionalne sposobnosti ponuđača,
- da je dostavljena jedna prihvatljiva ponuda pa u skladu sa članom 3. tačka (3) Pravilnika o uslovima i načinu korištenja e-aukcije, e- aukcija nije zakazana.
- da je ponuda ponuđača „Goraždeputevi“ d.o.o. Goražda sa cijenom ponude u iznosu od 113.934,38 KM bez uračunatog PDV-a ocjenjena kao prihvatljiva za ugovorni organ

Komisija za provođenje postupka javne nabavke radova na sanaciji, asfaltiranju i popravci lokalnih putnih pravaca na području Grada Goražde, predložila je Gradonačelniku Grada Goražda da za za lot 1 - Ustupanje radova na sanaciji putnog pravca Hubjeri i rješenje oborinskih voda u ul. Agana Imamovića u Goraždu donese Odluke o prihvatanju ponude ponuđača „Goraždeputevi“ d.o.o. Goražde budući da je ponuda navedenog ponuđača na osnovu provedene procedure, ocjenjena kao prihvatljiva za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđaču,
2. u spis,
3. a/a.-

GRADONAČELNIK

ERNEST IMAMOVIĆ

